

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XXI

urn:nbn:de:bsz:31-97032

scuntur, si Philosopho & Plinio credimus; ubi vero tardius visum recipiunt herba admota, Chelidonium quidam appellant, ei restituntur. Coitus eis mirus. Nam cum cæteræ à majoribus conscendantur, Hirundines contratio miscentur modo. *Gesner.* Corda earum augere memotiam, si cum cinnamomo, & his quas elephanginas species nominant, sumantur, ex *Hieronimo Montuo Medico Præstantissimo*, audivisse se refert *Jacobus Olivarius*. Hinc *Johannes Vrcinus*.

----- Cor mandito amomis
Commixtum, ingenii vis tibi major erit.

C A P U T XXI.
DE HALIÆTO, IBIDE,
& LOXIA.

EX *Haliætis*, seu aquilis marinis, quidam dicuntur habere unum pedem aquilinum & aduncum, planum alterum anseris instar, eo ad natandum uti. Adipem etiam pretiosum in cauda continere, per aëra volare, & in eo veluti pendere, tum adipis aliquid in aquam immittere, à quo in pisces stupor, ut supini vertantur, & illorum captura, refertur à nonnullis. *Ibis* avis est *Ægypto* tam propitia, ut extra non vivat. Simul ac nata est, si perpendatur, duas ponderat drachmas. *Plutarch. de avib. l. 4. c. 9.* Majus illi cor quàm ut proportione respondeat, intestinum nonaginta sex cubitorum, idque in Lunæ defectione comprimi, donec aucto splendore augetur, refertur *Gaudentius Merula*. Cum Arabicæ paludes pennacorum angustium mittunt examina, quorum tam citum virus est, ut morsum, antè mors quàm dolor insequatur, sagacitate quædam ad hoc velut excitatæ, in procinctum eunt universæ, & priusquam terminos proprios malum vastat, in aëre occurrant catervis pestilentibus. *Marcell. loxias* ratione rostri nullam cum aliis avibus similitudinem gerit. Hinc putatur *Aristoteli* incognita. Rubere solet pectore, collo & ventre, sed hyeme mutat

mutat colorem. Seminibus cannabis, cadaveribus, nucleiſque abietum delectatur; in ejuſmodi denique arboribus Ianuario & Februatio menſibus nidificat. Hyemali tempore, cum frigore omnia rigent, cantat; æſtate abſtinet.

CAPUT XXII.
DE MILVO.

Milvi ubique fere gentium degunt, ſed loca mutant, præſertim ſi ſint in vicinia. Nam alias in cavernis quercuum inventi ſunt; pulvere cariſo corpus foventes. Circa Pontum Euxinum tam multi hyeme adventante conſpiciuntur, ut ſi per quindecim dies tanta advolaret, quantam *Bellonius* una die vidit, copia, hominum exuperarent numerum. Adducunt ſecum Cuculum ſcapulis propter breves ejus volatus ſuſceptum. *Iſidor.* Mutandi temporis cognitionem ſcriptura illis adſcribit *Ierem. c. 8.* Tempore Caniculæ in mediam æris regionem tanquam frigidam ſe conſert, & ibi à meridie ad vesperam degit. *Herodot. l. 2.* In Lybia tamen & Sancti Dominici Inſula perennes ſunt; Londini quoque, quia non licet occidere. Hinc per conſertos etiam homines, prædam (eſt autem ſpurcicies in urbem aut Thameſin ab incolis ejeſta) in altum tollunt. *Cluſ. l. 2. c. 36. in obſervat. Bellonii.* Carnes etiam è macello auferunt, panem è manibus puerorum, pileos de capitibus, nidulandi præſertim tempore. *Alian. l. 2. c. 47.* Primis annis magnas venantur aves, vegetiores facti, parvas, tertio anno muſcas & culices. Viſum prædicat *Apulejus*, *παντίφθαλμον* certe *Ariſtophanes* dixit. Tam alte volat, ut ſe interdum humanæ eripiat aciei, tam late, ut nulla tam ampla æris emetiatur ſpacia: tam denique celeriter ſe dimittit, ut ſegmenta pulmonum bubulorum projecta arripiat, priuſquam in terram deciderint. *Bellon. l. 2. de Avib. c. 26.* Immotis aliſ interdum ſe per horam in aère vibrat. Elata enim ex parte pau-